

Na osnovu člana 70. Zakona o javnim nabavkama („Službene glasnik BiH”, broj 39/14), a na preporuku Komisije za provođenje postupka zajedničke javne nabavke u Bosansko-podrinjskom kantonu Goražde, imenovanu Rješenjem Vlade Bosansko-podrinjskog kantona Goražde, br.03-14-90/15 od 22.01.2015.godine, Vlada Bosansko-podrinjskog kantona Goražde, na 140.redovnoj sjednici, održanoj dana 12.03.2018.godine, **d o n o s i:**

O D L U K U

o izboru najpovoljnijeg ponuđača za pružanje usluga cestovnog prijevoza učenika osnovnih i srednjih škola sa područja Bosansko-podrinjskog kantona Goražde, a po LOTU 4

Član 1.

Prihvata se preporuka Komisije za provođenje postupka zajedničke javne nabavke u Bosansko-podrinjskom kantonu Goražde utvrđena u Izvještaju od radu, br.03-14-1949-23/17 od 15.02.2018.godine i za najpovoljnijeg ponuđača za pružanje usluga cestovnog prijevoza učenika osnovnih i srednjih škola sa područja Bosansko-podrinjskog kantona Goražde, **a po LOTU 4**, bira se društvo „**GORAŽDEPREVOZ**“ d.o.o. **GORAŽDE**, sa Ponudom broj: 01/2018 od 25.01.2018.godine i ponuđenom cijenom od 85.104,00 KM, bez PDV-a, kao najbolje ocijenjenom.

Član 2.

Prijedlog ugovora dostaviće se na potpis izabranom ponuđaču po proteku roka od 15 /petnaest/ dana, računajući od dana kada svi ponuđači, koji su učestvovali u predmetnom postupku zajedničke nabavke, budu obaviješteni o izboru najpovoljnijeg ponuđača.

Član 3.

Izabrani ponuđač dužan je, u roku od 7 dana od dana kada je ugovorni organ obavijestio ponuđača o zaključivanju ugovora, dostaviti безусловnu bankarsku garanciju za dobro izvršenje ugovora, a shodno odgovarajućim odredbama iz Tenderske dokumentacije, br.03-14-1949-10/17 iz decembra 2017.godine.

Član 4.

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, uz istovremeno upućivanje svim ponuđačima koji su učestvovali u predmetnom postupku javne nabavke, a naknadno će se objaviti i u „Službenim novinama Bosansko-podrinjskog kantona Goražde“.

O b r a z l o ž e n j e

Predmetni postupak nabavke pokrenut je Odlukom Vlade Bosansko-podrinjskog kantona Goražde o pokretanju postupka nabavke usluga cestovnog prijevoza učenika osnovnih i srednjih škola sa područja Bosansko-podrinjskog kantona Goražde, br.03-14-1949/17 od 07.12.2017.godine.

Procijenjena vrijednost nabavke iznosila je 76.000,00 KM.

Javna nabavka provedena je putem otvorenog postupka.

Obavještenje o nabavci, br.978-1-2-3-3-11/17 poslano je na objavu dana 15.12.2017.godine, te je istog dana i objavljeno na Portalu javnih nabavki.

Sažetak Obavještenja o nabavci objavljen je u „Službenom glasniku BiH“, br.90/17 od 22.12.2017.godine.

Komisija za provođenje postupka zajedničke javne nabavke u Bosansko-podrinjskog kantonu Goražde, imenovana Rješenjem br.03-14-90/15 od 22.01.2015.godine, (u nastavku: Komisija) je uz svoj Izvještaj o radu, br.03-14-1949-23/17 od 15.02.2018.godine, dostavila i Zapisnik o pregledu i ocjeni ponuda, br.03-14-1949-22/17 od 15.02.2018.godine u kojima je preporučila izbor društva „GORAŽDEPREVOZ“ d.o.o. GORAŽDE za najpovoljnijeg ponuđača.

U postupku po zaprimanju Izvještaja o radu utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su zaprimljene/pristigle ukupno 3 /tri/ ponude;
- da su ponude ponuđača „GORAŽDEPREVOZ“ d.o.o. GORAŽDE, „ŽIVOJEVIĆ-BUS“ d.o.o. GORAŽDE i ATTP „CENTROPREVOZ“ d.o.o. GORAŽDE prihvatljive;

Izabrani ponuđač je odabran primjenjujući kriterij najniže cijene, koja je ponuđena u iznosu od 472,80 KM dnevno, odnosno sveukupno, za 2 /dvije/ školske godine, 85.104,00 KM, dok su ostali ponuđači, čije su ponude prihvatljive, ponudili sljedeće cijene:

- a) „ŽIVOJEVIĆ-BUS“ d.o.o. GORAŽDE, (515,20 KM dnevno) 92.736,00 KM;
- b) ATTP „CENTROPREVOZ“ d.o.o. GORAŽDE, (531,60 KM dnevno) 95.688,00 KM;

čime je utvrđen i njihov sukcesivni red.

U postupku donošenja ove odluke posebno su cijenjene činjenice da predmetna ponuda cjenovno neznatno odstupa od procijenjene vrijednosti predmetne nabavke u visini od 76.000,00 KM, da je Komisija pravilno i potpuno izvršila ocjenu kvalifikovanosti ponuđača i ocjenu pristiglih ponuda, a skladu sa kriterijima iz Tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

**V L A D A
BOSANSKO-PODRINJSKOG
KANTONA GORAŽDE**

*Broj: 03 – 14 – 343 /18
12.03.2018.godine
G o r a ž d e*

P R E M I J E R

Emir Oković